

22. oktober 2018

UKA2018/193

Uunga siunnersuut: Kommunit suliffeqarfiutaasa pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat
(Aningaasaqarnermut Naalakkersuisoq)

Siuliani taaneqartoq pillugu Siumumiik imaattumik oqaaseqassuugut.

Inatsisissatut siunnersuut missingersuusiortarneq naatsorsuutillu pilligit Inatsisartut Inatsisaat 1. Januar 2018 atuutilersoq malitseqartillugu Naalakkersuisut patajaallisaaniarnerat Siumumiik tapersensoratsigu oqaatigissuarpus.

Taannaavormi aningaasaqarniarkkut attanneqarsinnaasumik ingerlatsiniarnermut qulakkeerinniinarnermut tunuliaqutaasoq.

Taamaakkaluartoq Siumumiik isumaqartuarpugut Kommuunit namminiussuseqarnerat ataqqineqarluni inatsisit suliarineqartassasut.

Kommuunit aaqqissuuteqqinneqarnerisa kingunerisaanik Kommuunit sisamaannangorsinnarlutik massakkut tallimanngornikuupput. Tamatuma kinguneraa ukiunut siusinnerusunut naleqqiullugu anginerujussuarmik takorluugaqarluni anguniagaqartalerneq.

Taamaammat inatsisissami saqqummiunneqartumi Kommuunit assigiinngitsutigut namminneerlilik ineriertuutigisinnaasaminnik annerusumik sakkussaqalernissaat qitiutinnejarmat Siumumiik nuannaarutigaarpus.

Kommuunit suliffeqarferujussuummata oqaatigisariaqarpooq, ilaatigullu pisussaaffigalugu ingerlatanik namminersortunut ingerlataqartitsinerit piummata. Taakku saniasigut pigisarpassuaqarput innuttaasut qanumut sullineqarnissaannut qulakkeerinnittussaanermik tunngaveqartumik. Tamakku mianerineqarnissaannik inatsimmi allaqqareersut iluarismaaratsigu oqaatigissuarpus.

Aammalu Siumumiik oqaatiginngitsoorsinnaanngilarput pingaartikkatsigu Kommuunit aningaasaqarnermikkut ingerlatsinerisa isumannaatsuullunilu patajaatsuunissaa, taakkummatami inuit attorlugit ulluinnarni sullisisugut. Inatsiseqarnikkullu tamatuma qulakkeerneqarnissa Siumumiik pingaartittuaratsigu oqaatigeqqikkusupparput.

Tamatut oqaaseqarluta aappassaanneerneqarnissaanut Aningaasaqarnermut Akileraartarnermullu ataatsimiitaliami suliarineqarnissaai innersuupparput.

Jess Svane
SIUMUT